

Arce potens hodie, *Honorato Hilarioque*, Præfulibus quondam suis, est clara. Et hæc de Archiepiscopalibus Provincie Civitatibus; Episcopales sunt undecim, in quibus, quod absque aliarum fiat indignatione, primas dabo *Massilia. Massiliam*. Latini omnes, Græci que nominant nonnulli: quæ, *Massalia* Strab. Steph. Veteribusque Nummis: *Masalia* Ptol. *Marseille* vulgo. *Phocaensium Græcorum* in Asia Minore est Colonia. Condita Olympiade XLV. Scribente Solino; tempore Tarquini Regis, ut notat Iustinus lib. XLII. Plutarchus in Solone conditam scribit a *Proto*, qui *Protis* aliis dicitur. Situm petroso in loco, indicat Strabo, prope ostia Rodani amnis, in remoto sinu, velut in angulo Maris, ait ex Trogo Iustinus. Rempublicam porro Massiliensium tantopere laudat M. Tullius, ut, audiente populo Romano, dicere auderet in defensione Fontei, *Civitatis illius Disciplinam*, atque *Gravitationem non solum Græciæ, sed pene cunctis Gentibus anteponendam*. Episcopos suos numerant ab D. Lazaro, quem Christus ab morte suscitavit. Hæc de Massilia: reliquæ urbes Episcopales sunt *Dive*: *Dinia* Pl. in Ebroduntijs: *Dinia* Pt. in Sentis, *Grasse* *Grassense* *Opidum*. *Glandève* *Glannate* Viris Doctis latine scribentibus: *Glannatena* Civitas, Notitiæ Provinciarum Galliarum in Viennensi IV. In alijs libris est *Glanatica*, in quibusdam *Glannatena*. Falluntur qui *Glanum* Plinii, Melæ & Antonini cum *Glannate* confundunt. *Glanum*, enim Antoninus ponit inter Cabellionem & Arelatum: at quam procul inde *Glannate*? Quid *Glanum* hodie ignoratur. *Senas*, *Sanition*, Vesdantiorum *Opidum* in Alpibus Maritimis, Ptol. *S. Paul de Vinsces*: *Vintium*, Nervusiorum *Opidum* in Alpibus Maritimis, Ptol. *Ventia*, Dioni. Apr: *Apta Julia*: *Vulgiensium* Plinio; *Avia Julia* & *Abieulia* corrupte apud Antonium: Nam in melioribus est *Apta Julia*: ut & in Itineraria tabula. *Reis*: *Reim*, Notitiæ provinciarum Galliarum, in qua sub Viennensi III sic legitur; *Civitas Reiensium*, id est *Reius*. In tabula itineraria, scriptum est *Reis Apollinaris*: quod nondum liquet. *Feruls*, *Forum Iulij* Planco ad Cicero-nem, *Forum Iulium*, Commonorum urbs Ptol. COL. IV. OCTAV. in Augusti Nummo apud Goltzium: *Forum Iulium Octavorum Colonia* quæ *Pacensis* appellatur & *Classica*, Plin. Hodie portus est Marinus. *Cisteron*, *Segusero* apud Antonium & in Itineraria Tabula: *Cessero*, inquit suis ad Merulam literis Iosephus Scaliger, Plin. apud quem tamen excusum est *Cessero*. Sed Merulæ semper Pliniana *Cessero* eadem censeretur cum ea quæ *Cessero* apud Ptol. Tolosæ & Carcassoni connumerata, quæ hodie in Languedokio *Castres Tolon*. *Tele-vum*. Doctis Latine scribentibus; *Telo Martius*, Antonino, *Opidum* in interiore Maris recessu, novem leucis, Massilia. Hæc de Episcopalibus: sunt alia non minoris nominis & antiquitatis *Opida*: *Antibe*, *Antipolis* Decia-torum *Opidum* Ptol. *Opidum Latinum*, *Antipolis*, Plin. Tacitus *Antipolim Narbonensis Gallia Municipium* appellat: *Coloniæ* Nummus Titii Imperatoris. *Olbia* Ptol. Melæquenota, *Teres* vel *Hieres* hodie censetur, ad Mare, tribus fere leucis Telono. Contra *Opidum* iacent nobilissimæ Insulæ, quæ Ptol. *Stachades*. *Ligustides*, Steph. Hodie, opido cognomines, *les Isles* dicuntur de *Teres* vel *Hieres*. Corallium ibi colligitur optimum, & quo non aliud præstantius in Mari Ligustico. *S. Maximin*, *Tecolata* videtur Antonino in Itinerario, sex gradioribus leucis Mas-silia, versus Boream. *Tarascon* Strab. *Taruscon* Ptol. ad sinistriorem Rodani ripam: cui in dexteriore opposita visitur *Belloquadra*, vulgo *Beaucarre* fluvio tantum intercurrente. Comitatus dignitate fulgent *Opida*: *Sault*, *S. Gillis*, & alia.